

УБМБУ Судакъ шеэри больгеси
«Къырымтатар тилинде окъуткъан 3
номералы орта умумтасиль мектеби»

Къырым эвляды

Хайырлайым мектебим!

Бизим севимли мектебимиз 13 сентябрь куню 2002 сени озы семерели ишини башлады. Бу йыллар девамында чокъ талелелер бизим мектебимизни битирип, зенаат саиплери олды. Мектебимизге Алий-окъув юртларында оджалыкъ зенаатны менимсеп, ювамызгъа къайткъан оджалар да бар. Мезунларымызнынъ балалары да, энди талелелеримиз олып, мектебимизнинъ сыныфларына кирелер. Яни, айтмакъ истегенимиз: аилемиз эп арта, янъы несиль эп келе ве аилемизге къошула.

20 йыл девамында эр бир оджа озы эмегини ве иссесини къошты. Базы оджалар, ильк куньден, яни мектеп ачылгъанындан берли, чалышмакъталар.

І НЕШИР

Сентябрь-ноябрь
2022с.

Газетанынъ бу
номерасында:

Хайырлайым,
мектебим!

Оджалар куню!

Интеллектуаль
Старт-ап

Дикъкъат
этинъиз:

- Мектепке тек мектеп урбасында кельмеге унутманъыз
- Ёлда ёл телюкесизлиги къаиделерини риаэт этинъиз
- Мектепке киргенде селямлашмагъа унутманъыз.



Оджалар куню!

Оджанынъ иши энъ алидженап деп айталар, бу керчектен де ойле! О эм зор, эм пек муимдир. Чюнки кунъ-кунъден оджалар бизни келеджек яшайышкъа азырлайлар, бизлер ичюн чалышалар ве тырышалар. Оджа зенааты озюнде икметни, джаннынъ генчлигини, буюк бир гъайретни, мераметни ве сертликни бирлештире.

Бутюн зенаатларнынъ байрамларындан Оджалар куню энъ чокъ кечирильген мерасимдир. Бу кунъде оджалар эвлерге дефтерлернен дегиль, топ-топ гуллернен къайталар. Чечеклерден гъайры, олар хош истеклер ве мераметли сёзлер эшителер.



Бу кунъде талелелер оджаларны мектеп къапусын-да беклеп, оларгъа чечеклерни эдие эттилер, истидатлы талелелеримиз оджалар ичюн концерт косьтердилер. Эм талелелер, эм де оджалар бахтлы ве мемнюн къалдылар.

Сайгъылы оджалар, сизинъ эмегинъиз ольчюсиз ве бизлер ичюн пек къыйметли! Сабырынъиз ве эмегинъиз ичюн чокъ сагъ олунынъиз! Биз сизге севинч, къуванч, чокъча сабыр ве узун омюр тилеймиз!



Интеллектуаль старт-ап!

7-инджи ноябрьден 11-инджи ноябрь кунюне къадар, Форос ше-эринде, бала ве генчлер ичюн «Ак-Барс» комплекснинъ базасында истидатлы балалар ичюн 5-инджи «Интеллектуаль Старт-ап» Къырым форумы кечти. Бизим мектебимизни шереф иле 10-ынджы, иикътисадият сыныфнынъ талebesи Ягъяев Усеин тем-силь этти.

Форумнынъ иши алты ёнелиштен кече эди: IT, экология, тешки-лятта инновациялар, икътисадият, PR-медиа ве туризм. Иштирак-чилер командларгъа болюнген эдилер, эр бир командагъа вазифе-лер берильди.



Бойле корюшювлернинъ теджри-беси пек къыйметлидир. Тале-белер озьлерини сынадылар, бильгилерини косътердилер, янъы инсанларнен таныш олды-лар ве чокъ меракълы ве файда-лы шейлерни огрендилер.

